

# სოფელ ორთუბანში ისტორიული აბანოს წინასარეაბილიტაციო სამუშაოები დაიწყო

31 იანვარი 2020

XVII საუკუნით დათარიღებული ნაგებობა, რომელიც ძირითდად აგურითა და რიყის ქვითაა ნაგები, პირველ ეტაპზე მინის მასივისა და ნაგვისაგან გაინმინდება. არქეოლოგიური ზედამხედველობის ქვეშ წარმართული პროცესის ფარგლებში აბანოს ექსტერიერი და ინტერიერი გათავისუფლდება ნაშალი ქვებისგან წარმოქმნილი ჩახერგილობებისგან. ნაგებობის სტრუქტურული ნიშებიდან ჩამოშლილი ქვები გადაეწყო და სარესტავრაციო სამუშაოების მსვლელობაში ხელახლა გამოყენებისთვის მომზადდება. მანვე ბიოსაფარის მოსაშორებლად, შენობის შიდა და გარე სივრცეები სათანადო ქიმიური რეაქტივებით გამოყენებით დამუშავდება.

საერთო ხედების, ფასადების, ინტერიერისა და არქიტექტურულ-მხატვრული თვალსაზრისით ღირებული ელემენტების ფოტოფიქსაციის გზით მომზადდება არქიტექტურული ობიექტის სიტუაციური გეგმა, რომელიც ნაგებობის საერთო და ლოკალურ დაზიანებასაც წარმოაჩენს. არქიტექტურულ-არქეოლოგიური ანაზომები კომპიუტერულ პროგრამაში გამოისახება, რაც სამომავლოდ საფუძვლად დაედება ძეგლის სარეაბილიტაციო-ერქიტექტურულ პროექტს.

განმენდითი სამუშაოები სააგენტოს დაფინანსებით წარიმართება, რომლის დასრულების შემდგომ სარეაბილიტაციო პროექტი მომზადდება. ორთუბანის აბანოს ტურისტული პოტენციალის ათვისების მიზნით, პროექტი მის ინფრასტრუქტურულ მოწყობასაც გაითვალისწინებს. სარეაბილიტაციო ეტაპზე პროექტის განხორციელების მსვლელობაში ჩაერთვებიან შიდა ქართლის სამხარეო ადმინისტრაციული უწყებებიც.

კულტურული მემკვიდრეობის ძეგლზე განმენდითი სამუშაოების დაწყების პროცესი შიდა ქართლის სახელმწიფო რწმუნებულმა გიორგი ხოჯევანიშვილმა და კულტურული მემკვიდრეობის დაცვის ეროვნული სააგენტოს გენერალურმა დირექტორმა ნიკოლოზ ანთიძემ ადგილზე დაათვალიერეს.

ორთუბანის აბანოს სარეაბილიტაციო სამუშაოების მომდევნო წლიდან დაიწყება და წლის ბოლომდე დასრულდება.